

建德縣志卷一

天文志 星野 氣候 災異 經緯表

鄭樵通志云天文者千古不易諸家斷代為史每史皆撰天文殊屬不合但九州封域各有分星鳥火虛昴詩書所載半根農事而定中冰泮猶與營造婚嫁有關百里之縣上值雖僅分秒而歲差在於累黍寒暖各有異宜祆祥所徵鄉民常藉此以下豐歉其所主實大志天文

星野

縣屬分星歷代天官家遞相推測其言互有異同清康熙志謂今建德當如宋史所云南斗須女之分乾隆志謂斗之會稽當以吳地言越地所主在牛宿建德故越地實牛宿主之舊嚴州府志又謂嚴州入斗三度建德為附廓首縣故道光志獨宗此說以為與今測合按建德為古富春三國隸吳吳主斗建德當然主斗越絕書云越古治今山陰南斗也漢書天文志並云有熒感守南

建德縣志

卷一 天文 星野

一

金華集成堂代印

斗越分也是越之山陰皆三斗分野無論建德顯屬吳地應主斗即跨江而治以縣屬越亦當主斗因列舊志以符不易之義別參經緯表以徵今測

(周禮春官)保章氏以星土辨九州之地所封封域皆有分星以觀祆祥(註)星紀吳越也

(爾雅)星紀斗牽牛也(註)牽牛斗者日月五星之所終始故謂之星紀

(左傳)昭公三十二年夏吳伐越史墨曰不及四十年越其有吳乎越得歲而吳伐之(註)此年歲在星紀吳越之分也(疏)天文分野斗主吳牽牛主越此年歲星在牽牛

(廣雅)斗牽牛婁女吳

（春秋元命苞）牽牛流爲揚州分爲越國

（越絕書）越故治今大越山陰南斗也吳故治西江都牛須女

（吳越春秋）吳與越同音共律上合星宿下共一理

（史記天官書）南斗其北建星牽牛其北河鼓婺女其北織女（索隱）

須女謂之務女或作婺（正義）須女四星亦婺女南斗牽牛須女皆爲星紀於辰在丑越之分野而斗牛爲吳之分野也

（漢書天文志）斗江湖牽牛婺女揚州又孝景二年十二月水火合於斗斗吳也又爲粵元鼎中熒惑守南斗南斗越分也

（漢書地理志）吳地斗分壅也今之會稽九江丹陽豫章廬江廣陵六安臨淮郡盡吳分也粵地牽牛婺女之分壅也今之蒼梧鬱林

建德縣志

卷一 天文 星野

二

金華集成堂代印

合浦交趾九真南海日南皆粵分也

原按浙江通志浙江地西漢屬會稽郡者十之八屬丹陽

郡者十之二其時未分置吳郡故班固云然其以兩郡屬斗分與今測合

（帝王世紀）自黃帝受命乃推分星次以定律度自斗十一度至婺女七度一名須女曰星紀之次於辰在丑謂之赤奮若於律爲黃鐘斗建在子今吳越分野

（淮南天文訓）天有九野（註）斗吳之分野牽牛一名星紀越之分野（晉書天文志）自南斗十二度至須女七度爲星紀於辰在丑吳越之分野

（隋書天文志）斗牽牛須女吳越揚州丹陽入斗六十度會稽入牛一度又自斗十二度至須女七度爲星紀吳越分野

（唐書天文志）南斗在雲漢下流當淮海間爲吳分牽牛去南河澨遠自豫章迄會稽南逾嶺徼爲越分又越南斗六度餘千四十二秒十二太中南斗二十四度終婺女四度爲星紀之次

（杜佑通典）揚州在於天文斗則吳之分野今丹陽吳郡吳興餘杭新安新定會稽餘姚臨海縉雲永嘉東陽等邑地是也

（宋史地理志）兩浙路當天文南斗須女之分

（天文秘訣）南斗牽牛星紀之次初斗十一度外末女七度內於分爲吳越於辰在丑於野在揚兩浙之蘇秀湖杭常潤明越睦處溫台衢婺皆吳越之分也天市垣吳越去極七十八度入九度皆入牛宿十二諸國越距西星去極二十三度入斗四度

建德縣志

卷一

天文

星野

三

金華集成堂代印

（元史）斗四度三十六分六十六秒外入吳越分星紀之次

（明一統志）嚴州牛女分野

（清類分野書）嚴州自斗三度至女一度屬吳越分揚州

（內緯秘言）牛三度嚴州府建德淳安桐廬三縣入三分之一四

（藏書集要）嚴州府斗十三度丑宮

（舊浙江通志）古測嚴州牛女分野今測嚴州斗三度

（浙江通志）星紀主吳越從來皆以斗牛女遞推之今考兩漢於越皆以斗爲占斗一度直二百五十里則一千里歷四度浙止一千七百餘里不及漢會稽之半其皆屬於斗審矣

（舊嚴州志）國朝推步最精採西法而加拆中焉以嚴郡入斗三度

經緯度表

是表所測之數專據烏龍山三角點者以此山距城較近為縣屬主山也

清 縣 經 度 縣 緯 度

張作楠揣籥小 北京偏東三度三分 赤道北二十九度三十七

錄 分

丁取忠度里度 偏東三度三分 二十九度三十七分

偏東五百三十里

康熙間實測之 三度五分二十一秒 二十九度三十八分二十

數 秒

今測烏龍山三 三度六分五十八秒 二十九度三十四分三十

角點 八秒

建德縣志

卷一 天文 經緯度表 氣候

四

金華集成堂代印

氣候 縣之氣候流水不冰春芽易發山深水急無海氛之苦四五  
月或霪雨連綿則有山水暴漲之患南界蘭溪地氣稍煖嘗

以春社後浸穀種秋收亦早東西路次之北路山高水冷  
則以清明日浸穀種秋收亦遲所志時序以習慣從夏正

立春晴一日農夫不用力又曰年成熟不熟但看三箇六 言夏正初  
十六皆 當晴也 又曰上看正月念下看二月二又曰春霧雨冬霧雪  
六十六二

驚蟄聞雷米似泥又曰二月三箇卯蕎麥抵過稻

清明米糧平又曰清明要明穀雨要雨又曰小麥是箇鬼只怕清

明頭夜雨又曰只怕清明頭夜水不怕清明頭夜鬼又曰清明斷

雪穀雨斷霜

好蠶不過小滿又曰小滿要滿

芒種無雨空種田又曰芒種火燒天夏節雨漣漣又曰芒種插秧如

爭過橋

故插秧以芒種為限

又曰一日芒種二日霉又曰芒種後逢壬入霉

逢庚出霉又曰打鼓送黃霉一去永不來

六月靈雨又謂之倒黃霉又以春雪占大水百

二十日為期頗驗

小暑頭上雷一雷四十九日倒黃霉又曰小暑油麻大暑粟又曰小

暑壅田大暑息大暑壅田沒收割

當日分龍當日雨八十婆婆上車去

俗以五月二十日為分龍日不宜雨故曰二十分龍念一雨則

歲不早

又曰春丙申陽陽無水下秧夏丙申陽陽曬死稻孃

端午北風烈五倍子大熟又曰吃了端午糉棉襖才好送又有謂吃了端午糉還要凍三凍

六月迷霧要雨直到白露又曰六月初三晴曬乾紫竹林

建德縣志

卷一

天文

氣候

五

金華集成堂代印

秋頭霹靂開山吃肉又曰秋頭無雨開山吃苦又曰雨打秋頭沒草

飼牛又曰秋雨漼漼露積成堆

大旱不過七月半又曰七月三白頭有穀沒稻頭又曰老人拜新米

以民間不知列宿誤大火房心尾三宿為老人星夏日昏時見其西流正當禾熟故相傳如此又俗以虹之東西卜晴雨故有東虹日頭西虹雨之說又曰虹高日頭低大水推過溪

中秋夜裏星誤了天宵鐙又曰八月大

讀

買菜買出埠

重陽無雨看十三十三無雨一冬乾又曰九月十三晴皮鞋老姆要

嫁人

俗又以柏樹占麥有柏子葉裏白來年好小麥之說言柏葉未落而子先白則麥有秋

小雪無雲天主旱大雪紛紛是旱年

一九晴二九淋三九念七簷頭掛筆四九三十六家家吃年肉五九

四十五石板煎豆腐六九五十四黃狗向陰地七九六十三扁擔  
頭上掛汗衫八九七十二黃蜂吱吱吱九九八十一田雞蝦蟆叫  
咯咯十九足犁耙出冬至日逢單起九逢雙以次日起九又曰九九有雪伏伏有雨  
又曰乾淨冬至齷齪年又曰春甲子雨撐船入市夏甲子雨赤地  
千里秋甲子雨禾頭生耳冬甲子雨牛羊凍死又曰飲食宜煖不  
宜冷又曰若要安樂急脫急著勝似服藥清制軍楊昌濬上已詩  
容易年光三月三征人  
對鏡老朱顏鏡前鼓角嚴灘雨馬上煙花越國山多難無如今日  
甚勞生能得幾時間近看朝政多清美便擬長纓繫百蠻舊是錢  
王割據來江山不改物華推西湖煙水餘春夢南渡風流歷劫灰  
柳色空移蘇小墓灘聲猶咽子陵臺可憐此際干戈後四野鳴鴻  
處處哀

災異

春秋書災而不書祥防侈汰也舊志書異纍纍書祥十七條其間僅孫吳時永安五年黃龍見於靈巖甘露元年建德獲

建德縣志

卷一

天文

氣候災異

六

金華集成堂代印

大鼎劉宋之元嘉二十年白熊見於新安趙宋之景定初年瑞麥生於東郊遜清順治六年竹閣產靈芝嘉慶十八年雙峯書院及後樂園產靈芝數則稍著可知識緯符瑞先進已非之改曆而後政尚實行四年湖北發見石龍政府不以爲瑞况縣屬並無祥可書因自梁始凡書異者悉載之其祥畧而不書

梁承聖元年壬申

即大寶三年十一月元帝即位江陵始改號承聖

六月霽霜殺草

唐神龍元年乙巳三月乙酉大風拔木暴寒且冰

宋紹興三十一年庚辰冬雷無冰恆燠如夏

嘉定八年乙亥大旱百二十五日不雨

嘉熙四年己亥夏秋大旱明年春民食橡蕨餓殍枕藉

淳祐十二年壬子夏大水五日方退壞公私廬舍無算

景定二年辛酉秋大饑

韓宋龍鳳八年辛丑

即元至正二十二年

大饑次年壬寅大水

明洪武三年庚戌旱八年乙卯又旱

永樂四年丙戌大水

宣德九年甲寅旱

成化九年癸巳饑

是年縣紳宋璣仲振粟六百斛

二十二年丙午大水

弘治二年己酉大旱

正德元年丙寅大旱六月至八月不雨三年戊辰又大旱四年己

巳十一月霽霜殺草竹樹皆枯卉無遺種

嘉靖十八年己亥大水踰城及府儀門漂沒田廬無算洪濤中有

物如牛人以爲龍二十年辛丑大旱蝗三十年辛亥二月大風飄

建德縣志

卷一

天文

災異

七

金華集成堂代印

瓦元聲閣鐘飛墮城外覆舟甚衆三十七年戊午春訛言黑青至居民鳴鉦達旦匝月乃已

萬曆七年己卯青蟲損禾幾盡十六年戊子大饑且疫民食草根

二十二年甲午五月六日未刻地震二十七年己亥大水繼而大

旱山竹生米可食三十二年甲辰十一月九日戌刻地震牆宇有

損壞者三十五年丁未夏大水損田萬餘畝漂沒房屋無算溺弊

猶衆三十六年戊申夏大雨平地水高數尺四十三年乙卯饑

是年

縣紳陳璉振穀九百四十餘石

天啟元年辛酉大水四年甲子又大水

崇禎元年戊辰七月大火延燒澄清門城樓十三年庚辰夏霖雨

彌月二麥無收繼而大疫十四年辛巳夏又大疫十五年壬午夏大水驛東民居六十餘間盡頽入水十六年癸未二月烏龍山霧其色綠三月東湖水赤三日始清六月朔大風折木

清順治十六年己亥四月牛大疫六月天雨黑沙十八年辛丑五月大雨四鄉出屋壞民居七月又大旱

康熙五年丙午十二月澄清門內火民居盡毀延燒城樓七年戊申六月十七戌刻地震旋生白毛十一年壬子四月十五天狗自東北經天至西方而實其聲如雷十三年甲寅十一月有黑熊入民家斃一婦人去十八年己未除日和義門內火一街盡毀二十

一年壬戌五月大水踰城六月又大水

季用勤詩嗟維歲次曰壬戌夏五兼旬月離畢傾盆

建德縣志

卷一 天文

災異

八

金華集成堂代印

疾雨撼風雷浩浩懷襄堯舜日庚辰猶未戰支祁河伯天吳得意時兩江銀浪如山立排城入市魚遊墀晉陽三版豈云病千雉而今已半奔乾坤震動陵谷移蛟蜃迴翔羸橫矮屋隨波大廈欹崩垣沉壁家家悲人民逃水如逃寇纍纍挈妻并挈兒更有倉皇奔靡及慘向洪濤作腐屍饑烏啞啞枝上叫湍頭羣集啄腸腓高田卑隲皆湮沒禾葉爛死禾根披無論此日傷滿目最苦終年失民依且聞當其衝激處石滑峻嶒齒相鋸平原高壤忽成溪萬衆吞聲不忍覷畦中蔬菜無一存冷樹空餘數畝園旣嘆薪如桂還憐米似璠眼前艱尚爾秋冬胡可言吁嗟乎微官愧乏迴天力午夜徒勞請命思當道已上鄭俠繪帝廷頒振振窮黎縣紳陳元銘記嚴郡居萬山之中心地勢最高而往往受水之患者何以故蓋由省會視嚴陵則據浙西之上游而形居其亢自新安視嚴陵則爲休歛之下臂而形處其卑此西港水所由來也而南復爲八閩三衢之門戶金華灑江之水盡會於城東二水合而放乎七里瀧兩山對峙如屏旁無所瀉單懸一線如喉吞不及吐是以逆流而上汜濫懷襄顧或有西港之水而無橫港以阻之則猶未至於浸淫也惟西有奔溢之勢而南復狂瀾澎湃以益其怒由是衝逸排擊之患往往中於城市汎濫民居居然其小者不過及階而止大或四五尺或更數歲而一遇從未有如康熙二十一年五月十七夜之水之大且怪也其水迅發人不及措手足故曰怪也或曰元至正

年間洪水橫流指拱宸門外石亭以為證而碑文磨滅多不可攷  
惟明天啟元年辛酉大水四年甲子又大水居民於世柱史坊上  
兩題其處曰天啟某年某月水至此今其迹尚有存者茲則過原  
刻字處直平石坊橫梁矣右營都司馬君復刻石以記噫此一水  
也北至府治麗譙下而東西與南則無地非水也水勢洶湧人心  
旁皇暴露乏食或避城上或避縣學署以及高阜處而避府城隍  
廟者為最多始於十七退於二十一日上而城郭公廨崩頽下而  
民居廬舍傾圮若城外沿溪一帶漂沒不可勝數至四鄉衝壞田  
地堰碣徙蕩古穴攢基更有不忍言者噫此甲子後未有之天災  
也洪水甫退復有六月初大於斯水之謠果於六月初一日靈雨  
連綿至初五則自辰至午晨昏不辨水勢洶湧似倍於前而人心  
旁皇亦倍於前居民褰裳跣足而求避亦更倍於前嗚呼痛定思  
痛情已不堪况復痛乎幸郡伯任公編筏救溺煮粥療飢且平糶  
以便民至次年秋熟乃止又邑侯戚公為民請命申詳各憲繪圖  
入告俾士民實沾朝廷蠲租之惠者郡邑大夫力也夫水天下之  
大利大害也聚之則為害散之則為利畏之則為害資之則為利  
而嚴陵斗大一城山潦驟至易盈易涸聚之無可聚散之無可散  
畏之則疾如仇讐資之則求而弗得未可與東南水利可以疏濬  
可以淳濬可以灌漑者同年而語也是在留心民社者求其瘼救  
其災審其所患恤其所無斯有大利而無小害耳且從來未有一

建德縣志

卷一

天文

災異

九

金華集成堂代印

歲兩次大水入城者宋形家吳景鸞記云一年兩水進城須防火  
盜而橫港直冲東館似乎巽水上堂詩云卯巽二峯重建塔狀元  
從此冠羣英今雖未能建塔而巽水上冲亦  
文明之象也將來必有瑞應記以為驗云 二十二年癸亥饑二

十五年丙寅閏四月大水田廬被沒二十六年丁卯五月旱禾苗

盡稿七月始雨三十二年癸酉夏旱 是年準免漕糧 三十八年己卯夏六

月大水踰城四十二年癸未大旱 是年與西安麗水等八縣 五十

年辛卯大水五十二年癸巳大旱 是年與臨安西安等六縣 五十

三年甲午大水 是年與遂安壽昌桐廬等縣被災田畝準免 五十

五年丙申又大水 是年與蘭溪龍游等七 五十七年戊戌災 是年

合縣漕糧 一全年 五十八年己亥大水 是年與錢塘等二十一縣衢

乾隆九年甲子秋七月水十二年丁卯災 是年特免錢 十六年辛

未夏無雨秋又無雨

是年免通省錢糧叁拾萬建德縣免拾分之壹(按)乾隆十六年亢旱柒分以上災田捌

萬叁千肆拾肆畝零奉旨先行撫恤一箇月捌分以上極貧加振四箇月次貧加振三箇月柒分極貧加振二箇月次貧加振一箇月又奉旨概行展振一箇月外貧生撫恤加振各展振一箇月四

半道饑火毀民居無算四十七年壬寅六月靄星有聲如雷旋化

為石

其石在今麻車莊蓮花菴後

五十一年丙午夏大疫冬澄清門內火至南

周廟止五十三年戊申五月大水漂沒田廬無算五十五年庚戌

建德縣志

卷一

天文

災異

十

金華集成堂代印

大雪十一月至十二月始止

嘉慶元年丙辰正月大冰凍五年庚申正月大雪平地深四五尺

夏大水入城至三元坊早禾盡淹七年壬戌大旱自五月不雨至

七月中始雨十二年丁卯五月大水入城至備石巷口十六年辛

未二月二十三寅刻地震秋大旱九月晦大街火毀市房二十餘

間石坊一十七年壬申秋彗星見光長數丈月餘始沒冬地生白

毛十九年甲戌夏旱二十年乙亥九月十三丑刻地震二十五年

庚辰夏大旱秋螟

是年東館等三十四莊被旱成災拾分田壹百叁拾叁頃肆拾壹畝貳分壹釐準免地丁銀壹

千肆百貳拾肆兩壹錢玖分柒釐又糟項月糧米銀肆拾柒兩柒

錢伍分陸毫被旱歉收田肆百玖拾肆頃玖畝伍分緩征銀柒千

伍百叁拾伍兩柒分又糟項月糧銀貳百伍拾兩陸錢叁分玖釐

四毫捌絲此次旱災知府劉重麟飭知縣劉西山勸在城殷富共

捐銀幣肆千柒百伍拾圓派商程我耘協同方日順胡允茂汪和豐郎茂興等給照分赴長安鎮買米轆轤轉運減價平糶自十二月起至次年四月止除減價拆耗外尚餘錢貳千陸百陸拾緡交典生息並諭四鄉捐米就地減價平糶民賴以安道光七年五月初六奉旨捐振各紳自叁百兩以上者分別給予議叙

### 道光三年癸未五月大水東西北三鄉災秋螟

是年楊家青山西小洋裏何等二十

八莊共成六分災田肆拾伍頃叁畝柒分七分災田壹百伍拾叁頃玖拾肆畝叁分十分災田肆拾壹頃玖拾陸畝特免地丁銀玖百捌拾捌兩柒錢捌分肆釐水冲石積不能墾復田地基等共稅陸頃壹拾貳畝零豁銀捌拾玖兩玖錢貳分伍釐被災貧民大口九百六十八振銀壹百柒拾肆兩貳錢肆分小口三百五十四振銀叁拾壹兩捌錢陸分冲坍瓦樓屋二十四間振銀肆拾捌兩瓦平屋六十五間振銀陸拾伍兩草平屋二間振銀壹兩草披房二十一間振銀伍兩貳錢伍分嘉慶二十五年存典生息錢此次由知府聶鎬敏飭知縣周興嶧提支叁千貳百玖拾肆兩肆百並續捐銀幣壹千陸百柒拾貳圓折錢共成肆千柒百伍拾叁緡交紳士方佶胡容松領給各商分赴長安鎮運米平糶又奉撫藩二憲撥給官捐西安縣倉米壹千陸百叁拾陸石飭縣減價平糶於四

## 建德縣志

### 卷一

#### 天文

災異

十一

金華集成堂代印

年二月起至六月中止共耗錢叁千肆百陸拾捌緡有奇當給還續捐款內錢叁百玖拾貳千玖百貳拾文淨剩舊存平糶項下錢捌百玖拾壹千捌百零仍存典生息六年十一月初二日奉旨準以捐振各紳自叁百兩以上者分別給予議叙 四年甲申六月南鄉大水壞橋十數民房百淹斃大小男婦一十八口

是年

知縣周興嶧捐俸銀叁百伍拾肆兩叁錢伍分 五年乙酉正月大雷電既望大雪平地深

三尺六年丙戌十二月八日大街火毀市房二十七間七年丁亥

正月黃浦街火毀民房四十三家八年戊子五月大水秋大旱螟

冬牛大疫十二年壬辰災

是年縣人姜家讓捐款平糶

十四年甲午夏大水二

十九年己酉夏大水至雙桂坊

是年水岸門坍見有物如牛沒於東湖冬繕城掘石佛一居民立廟

之祀

咸豐三年癸丑七月有星大如斗尾垂小星由東南而北其聲如

雷六年丙辰夏彗星見西北方光數丈八月烏龍山崩數十處壞  
民田雞籠菴陷如潭七年丁巳夏彗星見西北方大風七月既望  
大雨蛟水陡發損田廬無算是年縣人姜利恆首先捐款運米平糶十年庚申三月  
彗星見

同治元年壬戌夏大水十一月十三夜火城克二年癸亥荒人相  
食是年爵帥左宗棠給發耕牛籽本撥款散振并開設粥廠以濟災民三年甲子春大疫日斃百人

城內徹夜有聲如人相聚而啼是年免熟田錢糧四年乙丑大水至大方

岳是年又免熟田錢糧如已完在官者概準流抵五年新賦以舒民力十年辛未四月大風毀縣學

櫺星坊一及府廟福善禍淫坊一民房亦有被毀者五月水初八

夜火江西教匪入城旋又大旱是年特免錢糧一年十三年甲戌水是年準免成災

建德縣志

卷一 天文 災異

十二

金華集成堂代印

田地  
錢糧

光緒二年丙子水四年戊寅五月大水至府頭門八年壬午夏大  
水有星如匹練出東方月餘始不見是年準免錢糧伍百零柒兩捌錢柒分知縣劉毓森詳撥

省倉積穀散振并請給款修築堰壩九年癸未大水十二年丙戌三月天無纖雲獅

峯塢山裂丈許水湧不止父老以黑犬血及鍋鐵數百斤置裂處

乃合十三年丁亥五月大水桐嶺塢等處石山併裂沒田壹千餘

畝村民見有物如龍約長五六丈又楓屏山石崩裂十餘丈水湧

不止兩月始已是年知縣劉毓森捐廉給縣紳陳元善朱杭吳逢慶嚴正鵠等赴金郡買米散振十七年

辛卯二月大雨雹損及民房六月靈雨西北兩鄉冲坍大小堰壩

六十餘處是年知縣張炤詳撥省局銀幣壹千圓散振並貼鄉民修築堰壩次年經知縣吳俊詳準照免成災田地項下

錢 十八年壬辰旱二十年甲午又旱是年流抵地漕銀捌百 拾肆兩伍錢貳分玖釐 二十

四年戊戌立冬後十日有星大如斗自東北流入西南方而沒其

聲如雷烏鵲皆散二十六年庚子三月十一日辰刻天色昏黑咫

尺不辨一時許始明七月東南方有星下墜未幾衢州亂二十七

年辛丑五月大水入城三次損田無算新安江上流厝樞房屋牲

畜蔽江而下三晝夜不絕六月彗星見於西北方十數日始滅十

一月附城大火延燒四十餘家十二月疫小兒殤於痘者無算是年

免地漕銀壹千伍百貳拾肆兩貳錢捌分捌釐並振銀幣貳千圓 三十年甲辰五月大水西鄉凍

森源高山被陷十餘處

宣統元年己酉災是年西小洋莊流抵地漕銀肆拾兩並振銀幣伍百圓 二年庚戌災是年流抵

建德縣志

卷一 天文 災異

十三

金華集成堂代印

地漕銀叁千伍百壹拾肆兩肆錢捌分肆釐並振銀幣壹千圓 三年辛亥四月彗星見九月三都

宋姓園中桃李盛開十四夜省城光復是年下忙糧漕全免

民國一年二月大水烏龍山崩三月大風府文廟櫺星門仆是年免地漕銀

壹百壹拾陸兩伍錢玖分陸釐 二年六月霽雨北區塔石塢余姓家水由中堂湧

出是年免地漕銀伍百貳拾捌兩肆錢叁分捌釐 三年六月府文廟大成殿火寸木不存

秋大旱窮民掘食三十六桶及觀音粉是年免地漕銀玖千柒百壹拾肆兩貳錢叁釐按此

次旱災知事高雲階委自治辦公處勸諭公糴由鹽商宋榮芳經理次年完本活人無算 洋溪源雨豆其色赤

五年春陳村莊雨雹大者重十斤二麥歉收大樹有被拆者並損

及民房六年一月二十四日辰刻地震七年二月十一日又震十

四大震七月三十夜西南有星大於斗向北而竇其聲如雷